



Uunga:  
Naaja H. Nathanielsen, Inuit Ataqatigiit  
Inatsisartunut ilaasortaq  
/MAANI

**Qeqertarsuatsiaani innuttaasunik ataatsimiititsineq pillugu § 37 naapertorlugu apeqqummut nr 194–imut akissut.**

06-08-2015  
Suliap nr. SJ-STD-AHOF  
Allakkap normua 2023058

Asasara Naaja Nathanielsen,

Postboks 1015  
3900 Nuuk  
Oqarasuaat (+299) 34 50 00  
Fax (+299) 32 50 02  
E-mail: govsec@nanoq.gl  
www.naalakkersuisut.gl

Inatsisartut suleriaasianni naapertorlugu Qeqertarsuatsiaani innuttaasunik ataatsimiititsisimaneq pillugu § 37 naapertorlugu Naalakkersuisunut apeqquteqarputit uannit akissassanngortinneqarsimasumik.

Apeqqutigineqartunut akissutikka ataani tulleriarlutik allassimapput:

**1. Ilumoorpa Qeqertarsuatsiaani innuttaasunik ataatsimiisitsinissaq pillugu Kommuneqarfik Sermersooq paaseqatigineqarsimangimmat / peqatigineqarsimangimmat?**

Qeqertarsuatsiaani innuttaasunik ataatsimiititsineq 28. juli 2015 ingerlanneqarpoq. Innuttaasunik ataatsimiititsinermut innuttaasut taamak soqutiginnitsiginerat nuannaarutigilluinnarpara. Qeqertarsuatsiaani ullumikkut inuit 200 missaat najugaqarput. Innuttaasunik ataatsimiititsinermi inuit 40-t sinnillit takkussimapput, ataatsimiititsinermilu apeqqutit pingaarutillit assigiinngitsut saqqummiunneqarlutillu eqqartorneqarput.

Innuttaasunik ataatsimiititsineq Qeqertarsuatsiaani nunaqarfimmi aqutsisut suleqataalluarneratigut aqqissuuneqarpoq. Nunaqarfimmi aqutsisut tassaapput naalakkersuinikut qinikkat kommunalbestyrelserip ataani inissisimasut.

**2. Aallaqqaataaniit Nunaqarfimmi Aqutsisut pilersaarusionermi peqataatinneqarsimappat?**

Innuttaasunik ataatsimiititsinissap ingerlanneqarnissaa aalajangerneqaannartoq Nunaqarfimmi Aqutsisut akuutinneqalerput.

**3. Innuttaasunik ataatsimiititsinissaq qanoq sivilutigitigisumik pilersaarusiorneqarsimava, qangalu ussassaarutigineqalerpa?**

Pilersaarusiomerup qangarpiaq aallartissimanera erseqqissumik oqaatigisinnaangilara. Innuttaasunik ataatsimiititsinissap 28. juli 2015-imi ingerlanneqarsinnaanissaa pillugu Nunaqarfimmi aqutsisunik oqaloqateqartarnerit 23. juli 2015-imi aallartippat. Innuttaasunik ataatsimiititsinissaq KNR radio aqutugalugu aamma Qeqertarsuatsiaani namminermit 27. aamma 28. juli 2015 ussassaarutigineqarpoq.

**4. Taamatut innuttaasunik ataatsimiitsinerni ileqquuva kommunini pineqartuni kommunalbestyrelsit ilisimatinneqartannginnerat?**

Apeqqummut 1-imut akissutikka innersuussutigitiigalugit ilassutitut oqaatigissavara illoqarfinni innuttaasunik ataatsimiititsinissat pillugit kommunalbestyrelsit ilisimatinneqartar-nissaannut Naalackersuisut aalajangersimasunik maleruagassaqarlutillu maleruagassiornissamut isumaqatigiissuteqarsimanngimmata.

**5. Naalackersuisuni ilaasortat pingasut aallaqqaataaniilli pilersaarutigisimanerpaat peqataanissartik, suullu tunngavigalugit peqataanissaat aalajangerneqar-pa?**

Ilisimatitsissutigisinnaavara Qeqertarsuatsiaani innuttaasunik ataatsimiititsisoqarnissaa uannit isumassarsiaallunilu suliniutaasimammat. Qeqertarsuatsiaani inuuniarnikkut atukat ajornartorsiuutillu allat innuttaasunik toqqaannartumik maannangaaq oqaloqatigiissutigineqarnissaat pingaaruteqartutut isigaara.

Innuttaasunik taamatut oqaloqateqarnissaq augustusip qaammataani naalagaaffeqatigiit pilersaarutaasumik aatsitassarsiorfiup Aappaluttup eqqaani ataatsimeeqatiginissaat sioqqullugu Qeqertarsuatsiaani innuttaasut oqaloqatiginissaat tamanna sioqqullugu pinissaa kissaatigisimagakku. Tamatumali kingorna naalagaaffeqatigiit ataatsimeeqatigiinnissaat taamaatinneqarpoq, Savalimmiuni lagmandip lagtingimut 29. juli 2015 qinersisoqarnissaa nalunaarutigimmagu.

Tamatuma kingorna Aalisarnermut, Piniarnermut Nunalerinermullu Naalackersuisup Karl-Kristian Krusep aamma Inuussutissarsiornermut, Suliffeqarnermut Niuernermullu Naalackersuisup Vittus Qujaukitsup innuttaasunik ataatsimiititsinissami peqataanissaat pillugu isumaqatigiissuteqarfigaakka.

Naalackersuisuni ilaasortap Karl-Kristian Krusep aamma Naalackersuisuni ilaasortap Vittus Qujaukitsup peqataarusunnerat nuannaarutigeqaara pineqartummi Naalackersuisutut ilaatigut aalisarnermut, tunitsiveqarnermut tunisassiornermullu, piniarnermut, suliffissaaleqinerup akiorniarnerinut sulisinnaasullu piginnaanngorsarnissaannut kiisalu

aatsitassarsiornikkut inuiaqatigiinnut aningaasarsiutigineqarnerinut tunngasut akissusaaffigaat.

Maluginiarpara Karl-Kristian Krusep aamma Vittus Qujaukitsup innuttaasunik ataatsimiititsinermi peqataanerat innuttaasunit ataatsimiititsinermi peqataasunit qjarunneqartoq.

**6. Suna peqqutaava politikikkut innuttaasunik ataatsimiisitsinermi, rubinillu sammineqassatillugit Aatsitassarsiornermi Naalakkersuisoq peqataatinneqannginnera?**

Apeqqu 5-imut akissutinut tapiliullugu oqaatigissavara innuttaasunik ataatsimiititsinisami Naalakkersuisut peqataasussat naammassimasut.

Taamaattorli ataatsimiinnermi ineqarnermut angallannernullu tunngasunik arlalinnik apeqquqartoqarpoq, ataatsimiinnermilu peqataasut neriorsorpakka apeqquqatigineqartut Ineqarnermut, Sanaartornermut Attaveqatiguiinnermullu Naalakkersuisoq Knud Kristiansen peqatigalugu malitseqartinneqassasut.

Oqaatigineqareersutut Qeqertarsuatsiaani innuttaasunik ataatsimiititsinerup pissanganartup uummaarissullu ingerlanneqarsinnaasimanera nuannaarutigeqaara.

Inussiarnersumik inuullu aqqusillunga  
Med venlig hilsen

Kim Kielsen  
Naalakkersuisut Siulittaasuat